

Ո Ր Ո Շ ՈՒ Մ
Կատարողական վարույթը կասեցնելու մասին

27.10.2022թ.

ք. Երևան

Հարկադիր կատարումն ապահովող ծառայության /այսուհետ՝ Ծառայություն/ Երևան քաղաքի Ավան, Նոր Նորք և Քանաքեռ-Զեյթուն վարչական շրջանների բաժնի ավագ հարկադիր կատարող, արդարադատության ավագ լեյտենանտ՝ Արմենուհի Մելքոնյանս ուսումնասիրելով թիվ 04650278 կատարողական վարույթի նյութերը՝

Պ Ա Ր Զ Ե Ց Ի

ՀՀ Երևան քաղաքի առաջին ատյանի ընդհանուր իրավասության դատարանի կողմից 03.02.2021թ. տրված թիվ ԵԴ/20294/02/18 կատարողական թերթի համաձայն պետք է Սամվել Արմենի Թադևոսյանից հոգուտ «Գլաձոր» ՈւՎԿ ՓԲԸ-ի բռնագանձել 1.162.627,90 ՀՀ դրամ և հաշվարկվող տոկոսները: Բռնագանձումը տարածել պատասխանող Ռաֆայել Կճանյանին սեփականության իրավունքով պատկանող ք.Երևան, Յան Ռայնիսի փողոց, 90 շենք, բնակարան 33 հասցեում գտնվող անշարժ գույքի վրա:

Սամվել Թադևոսյանից և Ռաֆայել Կճանյանից համապարտության կարգով հոգուտ «Գլաձոր» ՈւՎԿ ՓԲԸ-ի բռնագանձել 27.260 ՀՀ դրամ որպես հայցվորի կողմից նախապես վճարված պետական տուրքի գումար և 100.000 ՀՀ դրամ՝ որպես փաստաբանի խելամիտ վարձատրության գումար:

Պարտապանից բռնագանձել նաև բռնագանձման ենթակա գումարի 5 տոկոսի չափով որպես կատարողական գործողությունների կատարման ծախսի գումար:

Կատարողական գործողությունների կատարման ընթացքում Ռաֆայել Կճանյանին սեփականության իրավունքով պատկանող և «Գլաձոր» ՈւՎԿ ՓԲԸ-ում գրավադրված ք.Երևան, Յան Ռայնիսի փ., 90շ., բն.33 հասցեում գտնվող անշարժ գույքը 24.10.2022թ. փորձագետի կողմից տրված թիվ Գ/Վ-ԺՀ63 եզրակացությամբ գնահատվել է 25.100.000 ՀՀ դրամ:

«Գլաձոր» ՈւՎԿ ՓԲԸ-ն 26.10.2022թ. թիվ 01-534 գրությամբ Ծառայության Երևան քաղաքի Ավան, Նոր Նորք և Քանաքեռ-Զեյթուն վարչական շրջանների բաժին հայտնել է, որ թիվ ԵԴ/20294/02/18 կատարողական թերթով պարտապաններ Սամվել Թադևոսյանի և Ռաֆայել Կճանյանի պարտքը նույն օրվա դրությամբ կազմում է 15.968.862,10 ՀՀ դրամ:

Ձեռնարկված կատարողական գործողությունների կատարման ընթացքում պարզվել է, որ պարտապանի անվամբ Ծառայությունում առկա են հարուցված բռնագանձման բնույթի այլ կատարողական վարույթներ:

Կատարողական վարույթով բռնագանձման վերաբերյալ վճռի հարկադիր կատարման ընթացքում պարտապան Սամվել Արմենի Թադևոսյանի գույքի նկատմամբ բռնագանձում տարածելու պարագայում պարզվել է, որ այդ գույքը օրենքով սահմանված նվազագույն աշխատավարձի երկուհազարապատիկի և ավել չափով բավարար չէ պահանջատիրոջ հանդեպ պարտավորությունների ամբողջական կատարումն ապահովելու համար:

Վերոգրյալի հիման վրա և ղեկավարվելով «Սնանկության մասին» ՀՀ օրենքի 6-րդ հոդվածի 2-րդ մասով, «Դատական ակտերի հարկադիր կատարման մասին» ՀՀ օրենքի 28.1, 28 հոդվածներով և 37-րդ հոդվածի 8-րդ կետով.

Ո Ր Ո Շ Ե Ց Ի

Կասեցնել թիվ 04650278 կատարողական վարույթը 90-օրյա ժամկետով:

Առաջարկել պահանջատիրոջը և պարտապանին նրանցից որևէ մեկի նախաձեռնությամբ 90-օրյա ժամկետում սնանկության հայց ներկայացնել դատարան:

Սույն որոշումը երկու աշխատանքային օրվա ընթացքում հրապարակել www.azdarar.am ինտերնետային կայքում:

Որոշման պատճենն ուղարկել կողմերին.

Հարկադիր կատարողի կայացրած որոշումը կարող է բողոքարկվել վերադասության կարգով
որոշումն ուժի մեջ մտնելու օրվանից հետո՝ երկամսյա ժամկետում, կամ վարչական դատարան՝
օրենքով սահմանված ժամկետներում:

Ավագ հարկադիր կատարող,
Արդարադատության ավագ լեյտենանտ՝

Ա.Մելքոնյան